



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Eyn kurtzer außzug/ auß dem Bebstlichen rechten der  
Decret vnd Decretalen/ Jn den artickeln/ die vngeuerlich  
Gottes wort vn[d] Eua[n]gelio gemeß sein/ oder zum  
wenigsten nicht widerstreben**

**Spengler, Lazarus**

**[Nürnberg], 1530**

**VD16 S 8234**

Causa. viii.

**urn:nbn:de:hbz:466:1-33264**

Liberius papa.  
Suggestum est.  
Sciscitaris.  
Aduersitas.

Das kein Bischoue / von eynlicher fare / forcht Be-  
trohung oder veruolung willen / seine scheidlein die  
jme beuolhen sein / vnd die Christus mit seinem blut  
erkaufft hat / verlassen oder von jnen weyche / sunder  
so es die notturfft des glaubens / vñ das heyl der be-  
solhen gemeyn antrifft / sich als ein feste mawer für  
des Herrn hauf darsetzen / vnd ire seele für ire scheid-  
lein dargebē sollen / sunst seyen es nicht hirtten / sunder  
taglöner.

Gregorius.  
In Scripturis  
Augustinus  
Qui Episcopatu.

Causa. viij. Quest. j.

Hieronimus  
Qui vos

Zugleycher weyse / wie die stat eins regiments / den  
die darnach strebenn / billich zu weygeren / Also ist sie  
auch den / so das regiment fliehen zuleyhen / vnd der /  
der allein regieren vnd herschen / vnd nit nutz sein wil  
der ist zu keinem Bischoue tiglich.

Die handeln offentlich wider Christum die auf  
gunst vnd nit billicher verdienst oder tiglichkeit / ye-  
mandt zu der kirchen standt kummen lassen.

Hieronimus  
Licet ergo

Keiner sol zu priesterlichem standt erwelt werden  
er sey dann fürtrefflicher / heyliger vnd geleter dan  
ander / Darumb auch von nöthen ist / das in ordi-  
nung vnd erwelung eins priesters / das volck gegen-  
wirtig sey / das da wiß / vnd dauon zeugschafft geb-  
das ein Priester der massen geschickt sey / wie auch  
Paulus sagt / Er muß aber auch haben ein gut ge-  
zeugnis von denen die draussen sind.

Oportet

Das der / so andern zu einem lernmeyster vñ hirtten  
verordnet würdet / sein lere / gemess der schickligkeit

denen die er lernen sol/richten vnd schicken/vnd dar-  
umb fürtrefflich gelet / vnstrefflich / tapffer vnd  
forchtsam sein sol.

Es würdet der kirchen zūvilmal ein Oberer vñ Hieronimus  
Audacter  
hirt gegeben / wie das verdienst der gemayn verur-  
sacht/vñ wie wir yezzeyten vil üfels vor Got dem  
herren handeln / Also erlangem wir einen oberern  
nach vnserm hertzen.

Das in der kirchen gar vil fürsteer erfunden wer- Augustinus  
Sunt in Ecclesia  
den/die nach den worten Pauli / das jr suchen/vnd  
nicht das das Christi ist / das ist die Christum nicht  
vmb sunst lieben/Auch Got nit vmb Gots willen si-  
chen/dem zeytlichē nutz anhangē/eere von den men-  
schen/ Die aber so solchs thun/seyen taglöner/vñ nit  
billich vnter die kinder Gottes zuzelen.

Sanct Augustin spricht alhie / das er sich scheme/ Vereor  
das die menig des volcks/ vil Bischoff richten vnd  
vteyln werde / darumb das sie sich von der kirchen  
abziehen/ vnd die ding die einem Bischoue nicht bil-  
lich zugehörn/treyben vnd üben.

Das die Bischoue nit billich andere straffen/die Ambrosius  
Quid autem  
ire pfaffen nit in billicher zucht halten vnd straffen/  
vñ spricht hie sant Ambrosius/ Warum sol ich doch  
meine sün straffen / so ich meine Brüder nicht bessern  
mag/Oder warum sol ich gegen den leyen zürnen/  
so ich auß scham gegen meinem mitgenossen still-  
schweyg.

Quest. ij.

Gregorius  
Illud quidem  
Dilectissimi

Das in erwelung eins Bischoffs/ mit auff eygnen  
nutz/ nicht auff chencck vnd gab/oder auff verdienst  
vnd fürderung der freunde/sonder auff den gemay-  
nen nutz gesehen werden sol/dan sunst/so mus der so  
solcher gestalt erwelt würdet/ dem des fürdrung er  
in der wale empfunde hat/ auf not vnterthenig sein.

Causa. x. Quest. j.

Ex Concilio To-  
letano  
Relata  
Episcopum  
Ex Concilio Ter-  
raconensi,  
Decreuimus

Werde die Bischoue für sträfflich angezogē/ das  
sie ire beuolhne kirchen im jar/ mit predigen vnd an-  
derm nit heymsuchen vnd visitirn/ vnd doch wöllen  
das man inen nichts dester minder gelt solt gebenn/  
welchs aber ein zwifache schmach sey/Nemlich der  
verseumbckeyt/ vnd dann des geytz halben/Vnd das  
ein Bischoue mit seiner person/oder wo er das auf  
alter/ schwacheyt oder andern mercklichen verhin-  
derungē selbst nit vermög/ durch tapffere geschickte  
priester alle jar sein Bistumb visitirn/ die kirchen be-  
sehen/ vnd sich der kirchen diener lebens vnd wesens  
erkündigen sol.

Causa. xi. Quest. j.

Ambrosius  
Si tributum  
Magnum  
Item Disti. xcvi.  
Supra Distin. x.

Das die geystlichen/den weltliche Oberkeytentri-  
but vn̄ stexor geben/vn̄ in weltlichen sache der welt-  
lichen Oberkeyt vnterthenig sein sollen/dan die weil-  
der sun Gottes (spricht Ambrosius) den zins bezalt  
hat/wer bist du dann/das du vermaynen wilt/den  
nicht zu bezalene wie er dann auch hie sanct Paulus  
vnd Peters spruch/das man der weltlichen Ober-  
keyt gehorsam leysten sol/anzeucht.